



Pripadnici SIPA-e izveli akciju "Delta"

# Oprano 36 miliona maraka

Polijski službenici Državne agencije za istrage i zaštitu (SIPA) jutros su prema naredbama Suda BiH i Tužilaštva BiH izveli veliku operativnu akciju kodnog naziva „Delta“.

Izvršeni su pretresi stambenih i poslovnih objekata i pokretnih stvari na ukupno 29 lokacija na području Brčkog, Obudovca, Bijeljine, Tuzle, Srebrenika, Živinica, Sarajeva, Zenice, Travnika, Novog Travnika, Viteza, Posušja, Gruda, Ljubuškog i Mostara.

Prema informacijama "Avaza", u ovoj akciji, koja je započela jučer ujutro, osumnjičene su 34 osobe. No, za sada niko nije uhapšen. Iz izvora bliskih istrazi saznajemo da mnoge osobe nisu dostupne is-



Akcija izvedena u više gradova

tražnih organima. Saznajemo da je na čelu ove kriminalne grupe Hercegovac.

Navedene aktivnosti provode se zbog sumnje u izvršenje krivičnog djela

organizirani kriminal u vezi s krivičnim djelima nedozvoljen promet akciznih proizvoda i pranje novca.

- Osumnjičena lica terete se da su u saradnji s drugim licima, s ciljem stjecanja protupravne imovinske koristi, osnovali grupu za organizirani kriminal, radi nezakonitog stavljanja u promet duhana za pušenje i cigareta, bez plaćanja akcize na duhan za pušenje i cigarete i bez obilježavanja navedenih proizvoda akciznim markicama Bosne i Hercegovine, čime je budžet Bosne i Hercegovine oštećen za iznos od oko 36.000.000 KM po osnovu neplaćene akcize na duhan za pušenje i cigarete - rečeno je iz SIPA-e. M. Aš.